

LUVOD

Asocijacija pri pomenu pojma turizam predstavlja kretanje ljudi da bi zadovoljili svoje potrebe.

Osnova turizma, dakle leži u biološkoj prirodi čovjeka, koja se oslikava kroz njegovo kretanje u prostoru.

Može se slobodno reći da su korijeni turizma još iz praistorije ljudskog društva.

Na početku ljudi su se kretali neorganizovano da bi kasnije ta putovanja postajala organizovanija.

Geografska otkrića predstavljaju temelj na kojima su počivala turistička kretanja.

U današnjim uslovima naučno-tehnološkog progresa i kompjuterske ere čovjeku je neophodan odmor i relaksacija. Vrsta i način odmora zavisi od mnogih faktora kao npr. ostvareni prihodi a isto tako dostignuti nivo obrazovanja i kulture.

U drugoj polovini dvadesetog vijeka turizam doživljava ekspanziju. Sve veći broj ljudi putuje u inostranstvo. Turistička kretanja su 1950. godine uključivala 25 miliona a 2000. godine 700 miliona turista. Prognoze govore, da će se broj turista povećavati, odnosno da će 2010. godine u međunarodnim turističkim kretanjima učestovati više od milijardu ljudi.
(<http://www.unwto.org/states/reg/en/eur.php>)

To nam govori da je turizam dinamična kategorija koja se nalazi u razvojnoj fazi.

Sjedne strane svojom dinamikom turizam nudi nove destinacije nove vrste putovanja dok na drugoj strani zahtjeva nove oblike organizovanja nove resurse nove inovacije nove strategije.

Uzimajući sve to u obzir da se zaključiti da se turizam nalazi u neprestanom razvoju i progresiji, pa je potrebno analizirati sve njegove komponente.